

Багширт килмдж ӱгхмн

КПСС-н обкомин бюро 3-ч номертӱ долан джилӱ сургъулин школин багширас ирсн неквриг хӱлӱгъӱд, Лола гидг поселкд санаторийин территорияд бӱӱсн 3-ч номертӱ школин багширин бӱӱх-бӱӱдлинъ ясрултха гидж сурсн сурврт, „15 лет ВЛКСМ“ гидг санаторийин администрац дӱнъ эс кӱргснӱ туск хаджгър илдкв. Бӱӱх гер ӱгтн, тӱлӱ болн хотхол авхд нӱкд болтн гидж теднӱ кесг дакдж сурсн сурврумудт дӱнъгӱн эс кӱргцхӱдж. Ах эмчин дарук эдл-аху гарддг ӱр Шинкаренко теднӱ сурврумудиг кӱцӱхин орцд, тедниг керлдӱд, советск багшин нериг дора санад, тоомсринъ буурулад йовсн зам бӱӱнӱ.

Эн тоог цуг хаджгър эклц партийн организацин сеглӱтр ӱр Виткаловд ил темдгтӱ бӱӱсн бийнъ, эн тӱриг чикӱр хӱгълл уга, администрацин гаргъсн хаджгъриг харсад, багширин шалгъдж келсн ӱгиг чикӱр эс меддж.

Администрац болн эклц партийн организац иим хӱлӱмдж уга болсн учрар, школин директор ӱр Бурдина болн багш ӱр Губарева аргъан бӱрхларн, школин герт бӱӱсн директорин кабинетд бӱӱнӱ, бичкн кӱу-кдтӱ багш ӱр Приходько, багш ӱр Юрьеван бӱллӱ хамдан нег ӱрад бӱӱнӱ.

Иим тӱрӱ бӱӱдлд бӱӱсн учрар багшир урокдан белддж эс чадад, тату-тартг гарна,

тер цагланъ санаторийд кун бӱӱдг сул гермуд бӱӱнӱ.

КПСС-н Элст балгъсна комитет болн балгъсна кӱцӱгч комитет, эн багшир кесг дакдж неквр илгӱсн бийнъ, санаторийин администрац болн партийн организац багширин бӱӱх-бӱӱдл хӱлӱдж гер-бӱӱрӱр теткхин тускар шишлнъ керг эс кӱцӱдж гидж КПСС-н обкомин бюро темдгв. Тер учрар багшир ӱӱрмуд Бурдина болн Приходько танъгъчин партин комитетд неквр илгӱв.

КПСС-н обкомин бюро и тогтавр авб:

Долан джилӱ сургъулин 3-ч номертӱ школин багширт дӱнъ-нӱкд эс болсн учрар „15 лет ВЛКСМ“ санаторийин ах эмчин дарук эдл-аху гарддг ӱр П. Г. Шинкаренко шодвр ӱгхмн.

Санаторийин администрациг эс хӱлӱсн, багширин некврт дӱнъ-нӱкд эс болсн учрар эклц партийн организацин сеглӱтр ӱр Г.Ф. Виткаловд шодвр ӱгхмн.

ӱӱрмуд Шинкаренко, Виткалов хойриг багшириг гурвн хонгин дунд бӱӱрӱр болн тӱлӱгъӱр теткхӱ гидж закхмн.

КПСС-н Элст балгъсна комитетд болн балгъсна кӱцӱгч комитетд багшир ӱӱрмуд Бурдина Приходько хойрин некврт цагланъ дӱнъ эс кӱргсинъ заахмн.